

Prome Minister Nel Oduber na inauguracion di expansion di Centro Medico na San Nicolas:

“Mi a nace na San Nicolas, mi no ta bin tur ora, pero ora mi yega ta pasobra mi ta trece algo”

Otro proyecto mas di MEP pa San Nicolas:

Extencion di Centro Medico y un centro cardiologo multifuncional y servicio di SVb

STA. CRUZ -- Prome Minister di Aruba, sr. Nelson Oduber a bisa ayera na ocasion di inauguracion di e edificio SVB a bisa cu el'a nace na San Nicolas, na Hospital di Lago y cu e no ta subi San Nicolas tur ora, pero ora cu e bay San Nicolas e ta trece algo. Asina por a scucha Prome Minister bisa ayera, esta cu otro Gobiernonan cu masha fanfaria a pone un prome piedra pa un hospital, pero ora cu su Gobierno a yega, no por a haya e piedra ey ningun caminda.. Prome Minister a sigui bisa cu su Gobierno ta determina pa haci cosnan grandi pa Aruba y a haci un yamada pa un tur por midi cualkier Gobierno prome cu esun di dje y midi su Gobierno. Cuminzando na caretera, vivienda, edificio y sueldo minimo. A hereda un Gobierno cu un debe di 800 milyon for di AVP, pa cual pais Aruba mester paga 10 milyon pa aña, placanan cu a wordo horta door di mafia Italiano den combinacion cu mafia Arubano. Pa loke ta San Nicolas, na aña 1989, a haya un Ghost Town unda a haya West Coast ta corta e refineria ariba mandato di AVP. Prome Minister a haci varios intento unda te hasta PDVSA a yama e refineria pa un koffie-pot y cu e ta absoletu. Mira AWE! Un refineria cu ta haci bastante ganashi y unda te hasta nan no kier paga of comparti cu nos. Otro aña lo yega na un punto, esta unda e debenan di Aruba ta controla y cu

poco debe. Finalmente sr. Nelson Oduber a felicita e pueblo di San Nicolas cu e adelanto y inauguracion di un otro edificio pa e pueblo di San Nicolas cu servicionan cu ta yega mas cerca di e pueblo. El'a haci un yamada na e Pueblo di San Nicolas, pa otro aña, nan por haci cos bunita tambe!! Solo di Pueblo ta pensa cu Prome Minister lo a referi, na un manera hopi finis, esta pa e pueblo di San Nicolas, sostiene su partido den e proximo eleccion.



Nos ta bay muda

Servicio di Impuesto ta muda entrante 18 di september 2008.

En coneccion cu esaki Servicio di Impuesto y e cahanan na e ofcinanan auxiliar lo ta sera dia 18, 19 y 22 di september 2008.

Entrante 23 di september 2008 nos ta reanuda nos servicio pa publico den nos edificio nobo na Camacuri 2, Oranjestad.